

**(4) RUNYANKORE/RUKIGA LEAFLET ON GOD’S PLAN  
FOR THE WORLD AND YOU  
ABISHEMWE OMURI YESU  
EBIKURU NAMAZIMA GA BAIBURI  
ENTEKATEEKA YA RUHANGA AHABWENSI HAMWE NAIWE**

Kworaheze kushoma akatabo aka, noza kumanya okugarukwamu kwebibuzo ebi:

2. Ensi yaitu ebaire ki?
3. Ahabwenki ensi etatebekaine?
4. Hoona Ruhanga ensi aginiire enteekateeka?
5. Hoona Ruhanga akwinire enteekateeka?

**1. Ensi yaitu ebaire ki?**

Waba otarakwikiriza ngu twine emirabanamu, biri iwe torikutura muni omu. Omukuru waba polisi omumahanga ageteraine aga America akagira ati: “Tihariho muntu weena oyine okwecureza. Tihariho okworebera ebiragiro n’obufura.”

Okwo nikwo kufunza kurungihho.

- Omukutagira okwecureza ni harugamu obunyagi, obushambani, okukozesa ebikwato by’obwisi, okuresa hamwe n’okunywa kubi ebirikuzinza, okuhamba abarikutamburira omunyonyi, obushuma, okukozesa abaana ebitahikire, omushaija kushwera omushaija mugenzi we, okuhamba hamwe n’obwisi.
- Obutagira micwe mirungi eretire baingi obutamarwa ebi baine, okweyendeza hamwe n’okweyongyera omukweyita.

Obumwe hamwe n’obutungi tityakigyendera hamwe. Obw’Omuhendo gw’abantu gurikweyongyera obukaikuru makumi atano nokukiraho buri mwaka, abaana abari ahansi y’emyaka etano abarikurenga omu mutworo gumwe nibafa ahabwenjara,

n'oburwaire buri eizooba. Omuntu yahebwa obugabe kwefaho ahabwe, taine muheru murungi. Eki niky'obusaasi.

## **2. AHABW'ENKI ENSI ETATEBEKAINA?**

Obutaikiririza mu Ruhanga, n'okworeobera ebiragiro bye biresire amahano aga. Omukutandika omuntu aketoranira omuhanda gwe, yareka ogwa Ruhanga. Adamu akashisha, yajeemera Ruhanga, kandi naitwe abaana be twashisha kuruga obwe.

Yesu Kristo omwana wa Ruhanga akaba ataine kibi. Hurira eki arikugamba: "Ahabw'okuba omu mutima nimwo haruga ebiteekateeko bibi, okwita, okushambana, okwiba, okubeiherera abandi, okujuma" (Matayo 15:19). Omutume Yakobo nayegyesa ati: " Engamba, n'endwano eziri omuriimwe niziruga hi? Tizirikuruga omukwetenga okubi okurikurwanira omuri imwe?" (Yakobo 4:1).

Katukirebe omuntu ataine Ruhanga naba ari omu muringo gutine matsiko. Embera y'omuntu etungwa okuguma nehinduka. Kwonka otakatina: Ruhanga kwarayohereze Yesu Kristo ogundi murundi omunsi, ebintu nibiza kubagye kandi n'okukiraho.

## **3. Hona Ruhanga Ensi Aginire Enteeekateeka?**

Buzima aginire enteeekateeka. Baiburi ekitabo kye nikigigambaho. Yebuze: Ensi n'eyendaki? Gyerageranisa ebiteekateeko n'ebi ahaifo:

Omutegyeki w'ensi yoona, obusingye, eby'okurya birikumara, amagara marungi, abategyeki abatari bashahuzi, ahataine kutina n'okubonabonesibwa' orurimi rumwe, ahataine by'okurwanise, ebiragiro by'oburinganiza, okuyamba abooro n'abataine oburaro, ahatine by'okushisha obuhangwa bw'ensi. N'ekindi, kandi kikuru, ensi neyenda ngu ebiragiro bya Ruhanga bimanywe, byetegyerezibwe kandi by'oroberwe.

Ruhanga akaraganisa ebi byona kuhikirira omuri Yesu Kristo hamwe nabo abayambi be abarikwesigwa, abatari emibiri y'ekitinisa. Baiburi negamba ahabwire obw'omugisha nibwo:

“OBUKAMA BWA RUHANGA.”

Egi niyo enteekateeka ya Ruhanga. Omubwire obw'akabi kahango akarikwija omunsi, abantu “baryareeba omwana w'omuntu (Yesu) naizira omukicucu aine obushoborozi n'ekitiinisa kingi:” (Luke 21:27). Ariyo naija kuhikiriza ekyo ekyaraganisibwe Mariamu ahakuzarwe kwe. “Mukama aryamuta ahakitebe ky'obugabe bw'ishankuru Daudi, ategyeka enju ya Yakobo ebiro byona, kandi obukama bwe tiburihwaho”. (Luka 1:33).

Eego, Yesu naija kuba Omugabe wabayudaya. Kwonka tibayudaya bonka. Naza kuba Omugabe w'ensi yoona. Ruhanga tarikuhenda ebiyaranise. Akaraganisa Yesu “Ndyakuha amahanga gabe obutaka bwawe, n'embaju zoonza ezensi zibe eitungo ryawe” (Zaaburi 2:8)

“Abagabe boona baryagwa bajuumare omumaisho ge n'amahanga goona gamuheereze” (Zaaburi 72:11)

Tihariho okwetentara eki: Yesu naija kuba “Omugabe w'abagabe; kandi omukama w'abakama” (Okushuuruurwa 19:16). Nibwija kuba obwire bw'omugisha mukuru ahabantu abo abariba barabire omukucwerwa kwa Ruhanga kw'orubanja okwensi yoona, nabwanyima baabase kutura omubukama bwe. Nibaija kugira amagara marungi, obusingye kandi bamanye emihanda ya Ruhanga (Isaaya 35).

“Omubunaku obwo Yerusalemu eryayetwa ekitebe kya Mukama eky'obukama, amahanga goona garyakiteeraniraho kuhimbisa eiziina rya Mukama” (Yeremia 3:17).

Hariho agandi mazima abiri agokutangaza agarikuranga oku Ruhanga yatoraine Yesu, Omwana we, kuba Omugabe.

- Eky'okubanza n'omuntu oshemereire omurimo ogwo. Teekateeka ahabuhangwa bwe: Akaba ataine kibi, atari mushahuzi, orikukunda, oyijwire embabazi, orikuteekateeka ahabyetengo by'abeeremwa. Akaba ayine obumanzi. Akaba ayine amaani n'obushoborozi bwa Ruhanga. Nk'Omugabe w'ensi yoona, naija kuba nayenda ebyo byona kumubasisa kuteegyeka amahanga.
- Ekyakabiri, ahakuba akabaho namagara agatebekaine, burikaire arikutamburira omukukunda kwaishe, bwanyima y'okufa, "Ruhanga akamuzoora kuruga omukufa" (Ebyakozirwe 2:24) yahindurwa omuntu otarifa. Ensi terigaruka kwetenga omutegyeki ondiyo. Aryategyeka okuhisya obu abazigu ba Ruhanga boona barihwerekyerezibwa nabwanyima, aryahwerekereza omkyeeno gwa rufu. (1Abakorinso 15:25,26.)

#### **4. HOONA RUHANGA AKWINIRE ENTEEKATEEKA?**

Eego. Akwinire enteekateeka. Tihariho okubanganisa. Iwe oyeyinire enteekateeka omumagara gaawe obundi habaase kuba harimu:

1. Okwenda kuza omubushwere, okegirira amaka.
2. Okugira omurimo murungi
3. Okushemererwa omu busingye hamwe
4. Nokuhumura kuruga aha murimo kare.

Ahabantu abaingi ebinibyo ebigyendererwa byabo. Kwonka kandi tibarikubigyerageranisa n'enteekateeka ya Ruhanga eyi ayinire abo abarikumwikiriza, bakamwesiga kandi barikumworobera hati.

#### **Ebi nibyo bimwe ebi Ruhanga yaranise.**

- (a) Yesu kwarija kuzoora abafiire n'okucwera ensi orubanja, naija kuha amagara agatahwaho ahari abo abakunzire kandi bakorobera Ruhanga. Nkoku Paulo

arikugamba, Yesu “aryahindura emibiri yaitu emyeremwa kuba nk’omubiri gwe ogwekitinisa” (Abafiripi 3:21).

- (b) Abo abarihebwa amagara agatahwaho baryategyeka na Yesu omubukama bwa Ruhanga, kandi bayambe okutongoza ebiragiro bya Ruhanga omu nsi yoona.
- (c) Abacungwirwe baryayamba Yesu okutegyeka amahanga omubwire bwona obw’obukama, ahakuba “bokagaruka baba abahuriire, bayema na Krsito okumara emyaka rukumi” (Okushuuruurwa 20:4)
- (d) Abesigwa ba Ruhanga (abacungwirwe) tibarifa. Bwanyima y’okuzooka kwa kabiri, ahamuheru gw’emyaka rukumi, boona abu Ruhanga yatorine baryabaho ebiro byona omu bukama bwe. Ruhanga naija “kuba byona ahari boona” (1Abakorinso 15:28)

### **EBI RUHANGA ARIKWENDA**

Nogyeregyeranisa ota enteekateeka ya Ruhanga ahabairu be hamwe neyawe? Nimpango kandi n’ekiraho. Omumazima nikwo ari! Kandi neyebiro byona. Nobu enteekateeka yawe yakukoragye hoona tekubasa kumara obwire buringwa. Oyine okumanya ngu ori omuntu orikufa.

Ruhanga okwinire enteekateeka. Nonda ngu ogumeho ebiro byoona omunsi ye ensya? Nobaasa kwonka nikyenda ogire ekintu ekiwakora. Oyeteeekateekire kumworobera hati? Yesu nagira ati; “mukurata”, kandi “kumuraabe nimunkunda, nimwija kukwata ebiragiro byangye” (Yohaana 14:15).

Ruhanga akaraganisa ati: “Orikiriza akabatazibwa aryajunwa” (Mako 16:16). Yesu nagira ngu ku areija omukitinisa ky’eishe naija “kwihura omuntu ween ebishemereire ebiyakozire” (Matayo 16:27)

Ahabw’enkundwa za Ruhanga eizooba riryahika obu “eihame rya Ruhanga ririba omubantu, ature nabo. Baryaba abantu be ..... Aryaragaza amarira goona ahamaisho gaabo. Tiharibaho kufa bundi, n’obu kwakuba okucura nari okurira nari obusaasi,

ahakuba ebyaira biryaba bihweireho. (Okushuuruurwa 21:3,4) Ruhanga tarikwenda gu oferwe eizooba rikuru eryo.

Waba noyenda okumanya bingi ebirikukiraho ebirikukwata aha Baiburi nahabirikukwata ahabakurasi ba Yesu:

Buza ebishemwe ba Yesu abarihaihi, nari handiikira

CHRISTADELPHIAN BIBLE MISSION

404 Shaftmoor Lane, Birmingham B28 8SZ, UK

OR

CHRISTADELPHIAN (REGIONAL OFFICE – MBARARA)

P.O. Box 885,

MBARARA

UGANDA